



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Naalakkersuisunut apeqquut:

1. ilinniartut ilinniarnermut atatillugu sungiusarfissamik qulakkeerinneqqaartarnissaannik piumasaqarnerup allanngortinneqarsinnaanera Naalakkersuisut qanoq isumaqarfigaat ?
2. Inuusuttut ilaat pikkorissarnernut imaluunniit suliffittaarnissamut piumassuseqaraluartut, ineqannginneq pissutigalugu pikkorissaqataasinnaangitsut imaluunniit suliffittaarsinnaangitsut, ilinnialernissamut, pikkorissarnernut imaluunniit suliffittaarnissamut qanoq periarfissaqarpat ?

(Inatsisartunut ilaasortaq, Anthon Frederiksen, Partii Naleraq)

Tungavilersuut:

Ilinniartut suliffimmik sungiusarfissaqannginneq pissutigalugu ilinniakkaminnik unitsitsiinnartarnerat ajornartorsiutingaarput ajorluinnartoq, taamaattumik sapinngisamik ilinniartut amerlanerpaat siunissami ilinniakkaminnik naammassinnissinnaanerat anguniarlugu nutaamik aqqissuussisoqartariaqarnera pisariaqarluinnartoq isumaqarpunga.

Ajoraluartumik ukiuni kingullerni inuusuttorpassuanngorput inissaaleqineq pissutigalugu, ilinnialernissamut, pikkorissarnermut suliffittaarnissamulluunniit ingerlariaqqissinnaangitsunik, tassa inuit taama inissisimasut, tassa aaliangersimasumik ineqannginneq pissutigalugu ilinnialernissaminnut, pikkorissarnissanut imaluunniit suliffittaarnissamut qinnuteqartaraluartut akuerineqarsinnaaneq ajormata.

Taamaattumik inuit taama inissimasut unittuinnanginnissaat qulakkeerniarlugu qanoq sunillu periarfissaqarnersut paaserusuppara.

Ullut suliffiit qulit qaangiutinnginnerani akineqarnissara kissaatingaara.